

14. Bybelmedia, Bybelvertaling en Bybelverspreiding

14.1 RAPPORT 1: DEPUTATE BYBEL – BYBELMEDIA (Art 89)

- A. Ds DJ Bakker lewer die Rapport.
- B. Die Rapport word staande die Sinode afgehandel.

C. RAPPORT

1. Opdrag

(Acta 2009:98, 5.1.1.1)

Benoem kundige persone op ad hoc basis, indien Bybelmedia van adviespanele gebruik maak in die keuring van manuskripte.

Besluit: Kennis geneem.

2. Sake waarvan die Sinode kennis neem

- 2.1 Daar het skakeling met Bybelmedia plaasgevind op 25 Februarie 2014.
- 2.2 Voortspruitend uit die skakeling:
 - 2.2.1 Bybelmedia gee 'n ope uitnodiging aan kundiges uit die Gereformeerde Kerke om te deel in die uitgee van geskifte en produkte van waarde in toerusting van gelowiges.
 - 2.2.2 Die tydskrif “*Kruisgewys*” word aan elke predikant uitgestuur deur Bybelmedia. Indien predikante nie die tydskrif wil ontvang nie kan hulle per e-pos daarvan kennis gee aan Bybelmedia (info@bmedia.co.za).
 - 2.2.3 Bybelmedia versoek predikante wat vrymoedigheid het om 'n artikel te skryf om opgeneem te word in die tydskrif “*Kruisgewys*” om hulle artikel in te stuur.
 - 2.2.4 Bybelmedia stel hulle BM-katalogus aan die Deputate beskikbaar met die moontlikheid dat die Deputate geskikte publikasies en produkte vir die lees en gebruik in die Gereformeerde Kerke kan aanbeveel.
 - 2.2.5 Predikante of gemeentes is welkom om hulle webwerf te besoek vir inligting in verband met al hulle publikasies (www.Bybel Media.co.za).

Besluit: Punte 2.1 tot 2.2.5 kennis geneem.

3. Sake waaroor die Sinode besluit

- 3.1 Dat Deputate Bybel sy skakeling met Bybelmedia voortsit.

Besluit: Punt 3.1 goedgekeur.